

Corpus Catholicum – nov sistem per las finanzas

Adattà l'urden da finanzas a las circumstanzas dadas

■ (anr/gc) Bain è (puspè) la cuntraversa penibla tranter il vicari general, sur Martin Grichting, ed il Corpus Catholicum stada en il focus da l'interess public e da las medias – suenter che la baselgia catolica dal Grischun ha refusà per la terza giada da stritgar la contribuziun da 15 000 francs ad «adebar» (post da cussegliaziun era per gravidanza). Igl ha dà questa giada ina vehementa confruntaziun cun offensivus viceversa. I fiss davairas uras da terminar quest miserabel exempel tranter catolics – era per anovers. Mo en il center da la radunanza dal Corpus Catholicum da quest onn, la mesemna a Cuira, sut il timun da deputà Luca Tenchio, è stada la nova reglamentaziun da finanzas da la baselgia catolica chantunala.



Il Corpus catholicum en la sala dal cussegl grond.

FOTO Y. BÜRKL

Damain entradas pretendan midadas

En vista a la reducziun massiva dal retgav ord la taglia da cultus – dad 8,2 milliuns (2008/2009) sin 4,2 milliuns (2013-2014) ed ils gronds deficits ils davos onns – èsi stà inditgà ed era necessari da midar il sistem da finanzas vertent dals onns 1959/1960 che devia tut fallads impuls (da dar ora). Tenor quel devi simplamain contribuziuns da gulivaziun e las plaivs survegnivan tut quai che mancava. Ed i na saja betg da quintar il proxim temp che la situaziun finanziaria dal Corpus Catholicum sa migliuria, anzi, ch'ella da ventia anc mendra.

Il nov sistem sa basa sin la forza da finanzas da las plaivs ed il pè da taglia communal. Ins ha dentant betg reduci las

«Esser cristian – tranter baselgia e vita individuala»

Malgrà ina pulpida glista da tractandas e na pitschens problems e tensiuns, datti mintgamai – e quai è bun uschia – era in referat tar la radunanza dal Corpus Catholicum. Quest onn èsi stà la rectora da la scol'auta da teologia a Cuira, prof. *Eva-Maria Faber*, che ha discurrì davart in tema zunt actual: «Esser cristians oz tranter cuminanza ecclesiastica e vita individuala».

I dettia bain la dogmatica, mo era l'ecclesiologia per chattar il senn da la cardientscha. Il Segund concil dal Va-

tican haja decretà cleras definiziuns davart la cardientscha e dà cun la liturgia novs impuls. Mo i haja dà trumpadas, cunzunt concernent la participaziun dals fidaivels. Blers èn sa distanziads da la baselgia. L'individualisaziun è sa fagga fitg ferm – cun viver e crair sco ins tegna per bun. Dieu dovria carstgauns che s'engaschian cun lur credo per el. Il senn da la cardientscha chattian ins era oz tras las fontaunas spiritualas ecclesiasticas en la situaziun persunala, pia cun baselgia e cuminanza.

contribuziuns da sochel (basa) a diversas plaivs en ina vischnanca politica. Mo che quel na vegn betg pli erui cun ina pauschala. Enstagl datti 30 francs per catolic – e quai per silpli 1000 catolics. I na vegn dentant betg pli surpiglià deficits da las plaivs (sco fin ussa) ed ins sustegnia fitg che talas fusiuneschian. Quintà vegn en l'avegnir cun contribuziuns finanzialas da 2 milliuns francs ad onn e 0,6 milliuns per construcziuns, pia total cun 2,6 milliuns.

Malgrà ferma opposiziun – cler sustegn

En la debatta d'entrada hai dà fitg ferma opposiziun, cunzunt da represchentsants da plaivs pitschnas cun damain che 600 catolics e ch'èn pertutgadas massivamain da main entradas. Per ina plaiv cun 423 catolics vegnia – sco quai ins ha udì – per ex. la contribuziun annuala a sa sbassar da 190 000 sin 137 000 francs. Ins ha perquai discurrì d'ina schliaziun malgista, ch'excludia la solidaritad e creeschia duas classes da plaivs – quai che sforzia pir da dretg talas da fusiunar.

Mo igl è vegnì decidì d'entrar – e suenter curta discussiun – era approvà l'ordinaziun per l'administraziun da finanzas e pertutgant las contribuziuns dal Corpus Catholicum. La finamira saja – e quai tuna bain – d'avair en l'avegnir plaivs che possian surviver cun rinforzar l'atgna responsabladad era tras fusiuns. La nova ordinaziun da finanzas – che saja blier pli effectiva che la vertenta – è vegnida sancziunada cun cleras maiortads.